

DEDICATORIA. 5

iudicium sit, qui multis iam annis aliquot in Palatinatu Ecclesiis cum emolumento præfuiſti; ei in primis, quam sub tutela ac patrocinio Serenissimi Electoris Palatini, principis nostri clementissimi Spire Nemetum, vrbe imperiali, Deus opt. maxim. collegit, serio quodam & cordato Orthodoxæ confessionis zelo multis aliis Ecclesiis prælucētem. In quâ quidem tam amœnâ Domini vineâ, tamque conspicuo loco positâ, quâ fructuose operatus sis, quamq; vigilanter, velut in speculâ conſtitutus excubaris, *ὅς τ' ἐπεροδόξας ἀντιλέγοντας ἐλέγχειν*, & gnarus & promptus, id verò testabuntur qui te illic concionantē audire: inter quos complures eminent nobilitate & auctoritate spectatissimi viri;

A 3